

14. marz.

47

Nr. 21.

AUGLÝSING

um afnám vegabréfsáritana fyrir bandaríska og kanadíska ríkisborgara.

Frá og með deginum í dag að telja eru bandarískir og kanadískir ríkisborgarar, er ferðast vilja til Íslands, undanþegnir þeirri skyldu að fá áritun í vegabréf sín (visum) samkvæmt heimild í 3. mgr. 8. gr. reglugerðar frá 24. maí 1937.

Undanþága þessi gildir eingöngu um ferðamenn og veitir rétt til allt að þriggja mánaða dvalar hverju sinni, en veitir hins vegar ekki rétt til að stunda atvinnu hér á landi.

Í dóms- og kirkjumálaráðuneytinu, 14. marz 1962.

Bjarni Benediktsson.

Baldur Möller.

19. marz.

Nr. 22.

REGLUGERÐ

um heimilishjálp í Reykjavík.

1. gr.

Skrifstofa félags- og framfærslumála fer með stjórn heimilishjálpar í Reykjavík undir yfirstjórn borgarráðs og borgarstjóra.

Dagleg umsjón með framkvæmdum heimilishjálparinnar í Reykjavík er í höndum konu með þekkingu á heimilisstörfum, er borgarstjóri skipar. Hún á rétt á að sitja fundi borgarráðs, þegar rædd eru mál, sem varða heimilishjálpinu, og hefur þar málfrelsi og tillögurétt.

2. gr.

Hlutverk heimilishjálparinnar er að veita hjálp á heimilum, þegar sannað er með vottorði læknis, ljósmóður eða á annan hátt, sem forstöðukona heimilishjálparinnar metur gildan, að hjálpar sé þörf um stundarsakir vegna sjúkdóma, barnsburðar, slysa, dauðsfalla eða af öðrum ástæðum.

Hjálpin skal að jafnaði ekki veitt um lengri tíma í senn en 14 daga.

3. gr.

Heimilishjálpin skal jafnan leitast við að hafa til taks nægilega margar konur til heimilishjálpar.

Forstöðukonunni ber að ganga örugglega úr skugga um, að konur þær, sem heimilishjálp stunda á vegum stofnunarinnar, séu hæfar til starfsins, hafi t. d.

B 7

lokið tilskildu námskeiði eða sýnt hæfni í verki og séu ekki haldnar smitandi sjúkdómum. Skulu þær leggja fram vottorð heilsuverndarstöðvar eða trúnaðarlæknis.

Ef borgarráð æskir þess, skal Húsmæðraskóli Reykjavíkur halda uppi kennslu til leiðbeiningar konum, sem taka vilja að sér að stunda heimilishjálp samkvæmt samþykkt þessari, ef húsrúm skólans og aðrar aðstæður leyfa.

Um launakjör og hlunnindi starfsfólks heimilishjálparinnar fer eftir ákvörðun borgarráðs.

4. gr.

Borgarsjóður Reykjavíkur ber ekki fjárhagslega ábyrgð á tjóni, sem konur þær, er vinna á vegum heimilishjálparinnar, kunna að valda við störf sín.

5. gr.

Borgarráð ákveður, hvert form skuli vera á umsóknum um heimilishjálp.

Borgarráð getur veitt eftirgjöf á greiðslu fyrir heimilishjálp að nokkru eða öllu leyti að fengnum tillögum forstöðukonu heimilishjálparinnar.

6. gr.

Fyrir heimilishjálp skal greitt eftir gjaldskrá, er borgarstjórn setur að fengnum tillögum skrifstofustjóra félags- og framfærslumála og forstöðukonu og ráðherra staðfestir.

Borgarráð setur nánari reglur um greiðslu, innheimtu eða annað, er það telur máli skipta í þessu efni.

7. gr.

Skrifstofa félags- og framfærslumála veitir heimilishjálpinu, nauðsynlega fyrirgreiðslu um húsnæði og afnot áhalda, svo og skrifstofustörf.

8. gr.

Reikningar heimilishjálparinnar skulu endurskoðaðir árlega með sama hætti og reikningar Reykjavíkurborgar.

9. gr.

Sá halli, sem verða kann af heimilishjálpi, sem veitt er samkvæmt lögum um heimilishjálpi í viðlögum og samþykkt þessari, greiðist að $\frac{1}{3}$ úr ríkissjóði, en $\frac{2}{3}$ úr borgarsjóði. Um greiðslu kostnaðar, sem um ræðir í 3. mgr. 3. gr. reglugerðar þessarar, fer þó sem rekstrarkostnað húsmæðraskóla.

10. gr.

Reglugerð þessi öðlast þegar gildi, og er reglugerð nr. 122 21. sept. 1954, jafnframt felld úr gildi.

Reglugerð þessi, sem borgarstjórn Reykjavíkur hefur samið og samþykkt, staðfestist hér með, samkvæmt lögum nr. 10 25. janúar 1952, um heimilishjálpi í viðlögum, til þess að taka gildi þegar í stað og birtist til eftirbreytni öllum þeim, sem hlut eiga að máli.

Félagsmálaráðuneytið, 19. marz 1962.

F. h. r.

Hjálmar Vilhjálmsson.

Jón S. Ólafsson.